



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ritus reconciliandi Ecclesiam violatam, si nondum erat ab Episcopo
consecrata.

urn:nbn:de:hbz:466:1-41233

His peractis, dicitur Missa de tempore occurrenti, vel de Sancto.

Ecclesia verò, quamvis à simplici Sacerdote, ut supra, sit benedicta, ab Episcopo tamen consecranda est.

Ritus reconciliandi Ecclesiam violatam, si nondum erat ab Episcopo consecrata.

Ecclesia violata reconciliatio, per Sacerdotem, ab Episcopo delegatum, fiat hoc modo. Altare Ecclesie omnino nudetur; provideaturque, ut Ecclesia possit liberè circumiri, tam exterius quam interius, si fieri potest: paretur vasculum cum aqua benedicta, & aspergillum de herba hyssopo factum. Sacerdos, indutus amictu, albâ, cingulo, stolâ & pluviali albo, adhibitis aliquot Sacerdotibus & Clericis, procedit ad primariam Ecclesie portam; ubi stans, Antiphonam incipit, dicens, Clero prosequente:

Asperges me Domine hyssopo, & mundabor; lavabis me, & super nivem dealbabor. Psalm. Miserere mei Deus; totus, cum Gloria Patri. Pag. 150.

Quo finito, Antiphona repetitur. Interim dum Antiphona & Psalmus dicuntur, Sacerdos cum aqua benedicta aspergit in circuitu extrinsecus Ecclesiam & Cœmeterium, simul aspergendo alternatim ad parietes Ecclesie ac terram Cœmeterii, præsertim ad loca contaminata. Quo factò, redit ad locum, ubi incepit aspergere; & stans dicit:

H h h 2

Ore-

Oremus.

OMnipotens & misericors Deus, qui Sacerdotibus tuis tantam præ cæteris gratiam contulisti, ut, quidquid in tuo nomine digne perfecteque ab eis agitur, à te fieri credatur; quæsumus immensam clementiam tuam, ut, quod visitaturi sumus, visites, & quidquid benedicturi sumus, bene ✠ dicas, fitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. *Resp.* Amen.

Pag. 156.

Deinde Sacerdos incipit Litanias, ut supra; & ingreditur Ecclesiam cum Clero, cantando eas; acceditque ante Altare majus; coram quo genuflectit. cumque dictum fuerit: Ut omnibus fidelibus defunctis requiem æternam &c. Resp. Te rogamus audi nos. *Sacerdos surgit, & clara voce dicit: Ut hanc Ecclesiam, Altare hoc, & Cœmeterium, purgare ✠ & reconciliare digneris. Te rogamus, &c.*

Quibus dictis, rursus genuflectit, & Litania perficiuntur. Quibus finitis, Sacerdos, versus ad dictum Altare, dicit: Oremus. & Ministri: Flectamus genua. Resp. Levate.

PRæveniat nos, quæsumus Domine, misericordia tua, & intercedentibus omnibus

San-

Sanctis tuis, voces nostras clementia tuæ propitiationis anticipet. Per Christum Dominum nostrum. *Resp.* Amen. Deinde Sacerdos genuflectit ante Altare; & se signo Crucis muniens, clara voce dicit: Deus in adiutorium meum intende. tum surgit; & Chorus seu astantes Clerici respondent: Domine ad adjuvandum me festina. & Sacerdos stans dicit: Gloria Patri, &c. *Resp.* Sicut erat &c. Quo dicto, Sacerdos inchoat, Clero prosequente, Antiphonam: Exurgat Deus, & dissipentur inimici ejus; & fugiant, qui oderunt eum, à facie ejus.

Psalm. 67. versic. 27. In Ecclesiis benedicite Deo Domino: de fontibus Israël. *Repetitur Antiphona.*

Ibi Benjamin adolescentulus: in mentis excessu. *Repetitur Antiphona.*

Principes Iuda, duces eorum: principes Zabulon, principes Nephthali. *Repet. Antiph.*

Manda, Deus, virtuti tuæ: confirma hoc Deus, quod operatus es in nobis. *Repet. Antiph.*

A templo sancto tuo in Ierusalem: tibi offerent reges munera. *Repetitur Antiphona.*

Increpa feras arundinis, congregatio taurorum in vaccis populorum: ut excludant eos, qui probati sunt argento. *Repetitur Antiph.*

Dissipa gentes, quæ bella volunt; venient

legati ex Ægypto : Æthiopia præveniet manus ejus Deo. *Repetitur Antiphona.*

Regna terræ cantate Deo : psallite Domino. *Repetitur Antiphona.*

Psallite Deo , qui ascendit super cælum cæli : ad orientem. *Repetitur Antiphona.*

Ecce dabit voci suæ vocem virtutis , date gloriam Deo super Israël : magnificentia ejus & virtus ejus in nubibus. *Repetitur Antiph.*

Mirabilis Deus in Sanctis suis, Deus Israël, ipse dabit virtutem & fortitudinem plebi suæ : benedictus Deus. *Et non dicitur, Gloria Patri; sed Antiphona repetitur. Interim dum Antiphona & Psalmus prædicti dicuntur, Sacerdos circumcivit Ecclesiam intrinsecus aspergendo; aspergit etiam specialiter loca contaminata. Quo facto, stans in Presbyterio, versus ad Altare, dicit :*

DEus , qui in omni loco dominationis tuæ clemens & benignus purificator assistis; exaudi nos, quæsumus, & concede, ut in posterum inviolabilis hujus loci permaneat benedictio ; & tui muneris beneficia, universitas fidelium, quæ supplicat, percipere mereatur. Per Christum Dominum nostrum. *Resp. Amen.*

Deinde dicitur Missa de die occurrenti.

Simplex Sacerdos, tantum ex privilegio Sedis Apostolicæ, potest

Eccle-

Ecclesiam, ab Episcopo consecratam, reconciliare. Et tunc utatur ritu, in Pontificali præscripto: procedatque indutus amictu, albâ, cingulo, & stolâ ac pluviâ albi coloris; adhibitis secum aliis Presbyteris & Clericis, superpelliceis indutis, cum aquâ, ab Episcopo ad hunc usum ritè benedictâ.

Ritus benedicendi novum Cœmeterium per Sacerdotem, ab Episcopo delegatum.

Pridie quam fiat benedictio, ponitur in medio Cœmeterio benedicendo lignea Crux, alta ad staturam hominis; & ante ipsam Crucem in terra figitur paxillus tridens ligneus, altus ad cubitum unum, aptus ad affigendum illi tres candelas.

Sequenti die, mane, Sacerdos in Sacristia paratus amictu, albâ, cingulo, stola & pluviâ albi coloris, adhibitis aliquot Sacerdotibus & Clericis, indutis superpelliceis, qui deferant vasculum aquæ benedictæ, aspergillum, & thuribulum cum incensi navicula, & hoc Rituali libro, & tribus candelis cereis; procedit ad Cœmeterium benedicendum, ante Crucem in medio positam; & affiguntur & accenduntur tres candelæ, super ligneum paxillum; & Sacerdos, ante Crucem & candelas stans discooperto capite, dicit:

Oremus.

Omnipotens Deus, qui es custos animarum, & tutela salutis, fides credentium; respice propitius ad nostræ servitutis officium, & ad introitum nostrum purgetur ✠, benedicatur ✠, & sanctificetur ✠ hoc Cœmeterium; ut humana corpora, hic post vitæ cursum quiescentia, in magna judicii